

CERTIFICACIÓN

Rosa Ana Prada Queipo, secretaria xeral do Concello de Ames (A Coruña)

CERTIFICO: Que a Xunta de Goberno Local, en sesión ordinaria celebrada o día 16 de novembro de 2023, adoptou, entre outros, o acordo que copiado é do teor literal seguinte:

PUNTO QUINTO. APROBACIÓN DA CONVOCATORIA E DAS BASES DO XVIII CONCURSO DE ESCAPARATES CONCELLO DE AMES NADAL 2023. TRAMITACIÓN ANTICIPADA. EXPEDIENTE GD 14661/2023.

O sector comercial é unha área básica na planificación económica e social das accións levadas a cabo dende o Concello de Ames por constituír un motor fundamental no desenvolvemento económico e, polo tanto, na creación de emprego e riqueza. Por isto, o departamento de promoción económica conta entre os seus obxectivos o fomento, incentivo, divulgación e fortalecemento do tecido comercial local co ánimo de converter Ames nun referente como lugar de compras na Comarca de Compostela, apostando por un comercio de calidade, innovador, creativo e en sintonía coas demandas e tendencias da sociedade actual.

Dende fai dezasete anos o Concello de Ames ven desenvolvendo un concurso de escaparates nas datas de Nadal. Esta acción pretende apoiar ós establecementos comerciais de Ames para que adornen o seus establecementos cun tema en común, co obxectivo de crear un foco de atracción da clientela e aumentar o consumo no comercio local nas vendas desta época tan importante para o sector.

Figura no expediente informe proposta de bases asinado conxuntamente polo técnico de promoción económica e a concelleira da area.

Figura no expediente informe favorable conxunto da Secretaria e Intervención (Informe 596/2023 do 13.11.2023).

Polo exposto, a Xunta de Goberno Local, previa delegación do alcalde (decreto 1983/2023, BOP nº 120 do 26.06.2023), por unanimidade dos seus membros presentes, adopta os seguintes acordos:

Primeiro. Aprobar a convocatoria e as bases do XVIII Concurso de Escaparates do Concello de Ames Nadal 2023, que figuran como anexo deste acordo.

Segundo. *Tendo en conta que as axudas non se concederán ata o mes de xaneiro de 2024 a autorización e disposición do gasto queda supeditada a existencia de crédito adecuado e suficiente no exercicio 2024.*

Terceiro. *Publicar as bases e a convocatoria seguindo o procedemento establecido no artigo 20.8 da Lei 38/2003, de 17 de novembro, Xeral de Subvención (LXS), a través do envío do extracto da convocatoria á Base de Datos Nacional de Subvencións (BDNS) para a súa remisión ao BOP. As bases publicaranse integramente na páxina web do Concello de Ames.*

Cuarto. *Dar traslado do presente acordo aos departamentos municipais afectados aos efectos oportunos.*

Quinto. *Facultar ó alcalde do Concello de Ames para cantas actuacións de trámite sexan precisas para a mellor execución do acordado.*

DATA DE SINATURA: HASH DO CERTIFICADO:
16/11/2023 DCAFO8587B6280B37A145073275F726E60DDDB4CA
17/11/2023 0FD2C3776C7B204298B5CEE0D0905C586F2BBDE1

POSTO DE TRABAJO:
Secretaría
Alcalde

NOME:
PRADA QUEIPO, ROSA ANA
GARCIA PIÑEIRO, JOSE BLAS

Asinado Dixitalmente no Concello de Ames - <https://sede.concellodeames.gal> - Código Seguro de Verificación: 15220IDOC2AB1CF7951E63D34A8E

ANEXO**BASES DO XVIII CONCURSO DE ESCAPARATES DO CONCELLO DE AMES NADAL 2023****PRIMEIRA. OBXECTO:**

Estas bases teñen por obxecto apoiar ós establecementos comerciais de Ames para que adornen o seus establecementos cun tema en común, co obxectivo de crear un foco de atracción da clientela e aumentar o consumo no comercio local nas vendas desta época tan importante para o sector.

SEGUNDA. PARTICIPANTES/ BENEFICIARIOS

Para participar no concurso é obrigatorio ser maior de idade e titular ou cotitular dun establecemento comercial situado no Concello de Ames.

Os/as participantes deberán cumprir as seguintes condicións:

- Non ter débedas en período executivo de pago co Concello de Ames no momento da concesión, salvo que o pago das devanditas débedas estivesen garantidas, de conformidade co disposto na Lei Reguladora das Facendas Locais.
- Non incorrer nalgunha das circunstancias que se determinan no artigo 13.2 e 13.3 da Lei 38/2003, do 17 de novembro, Xeneral de Subvencións incapacitantes para obter a condición de beneficiario.
- Deben atoparse ao corrente de pago das obrigacións por reintegro de calquera subvención ou premio concedido con anterioridade por este Concello.

Non poderán participar no concurso as persoas que formen parte do xurado e que sexan titulares ou cotitulares dun establecemento comercial, así como calquera outra persoa que teña un parentesco en primeiro ou segundo grao con algún membro do xurado.

TERCEIRA. CONDICIÓN DE PARTICIPACIÓN

Os motivos e decoración dos escaparates terán como tema as Festas de Nadal.

So poderá presentarse ao concurso un único proxecto por establecemento.

Os escaparates deberán estar expostos, como mínimo, entre os días 09 de decembro de 2023 e o 01 de xaneiro de 2024.

CUARTA. INSCRICIÓN, LUGAR E PRAZO DE PRESENTACIÓN

A inscrición é gratuíta.

O prazo de presentación de solicitudes rematará o día 05 de decembro de 2023 as 14:00h.

Non se admitirán solicitudes presentadas fóra do prazo indicado no parágrafo anterior.

As solicitudes poderán presentarse de luns a venres, en horario de 09:00 a 14:00 horas, nos rexistros municipais existentes en:

- sede.concellodeames.gal
- Casa do Concello en Bertamiráns
- Oficinas Municipais no Milladoiro

Todos os concursantes terán que enviar unha foto do escaparate ao mail promocioneconomica@concellodeames.gal, antes do 18 de decembro de 2023.

QUINTA. PROCEDEMENTO DE CONCESIÓN

Réxime de Concorrenza competitiva

- a.- Órgano competente para a instrución do procedemento.- Será o servizo de Promoción económica.
- b.- Órgano competente para resolver o procedemento.- Xunta de Goberno Local do concello de Ames

O procedemento de concesión dos premios resolverase nos 3 meses a contar desde a finalización do termo de presentación de solicitudes e a falta de resolución, dentro deste prazo, terá carácter de desestimación.

Contra a resolución de concesión que se dite, que pon fin á vía administrativa, poderá interporse potestativamente recurso de reposición ante a Alcaldía -Presidencia no prazo dun mes, ou ben directamente recurso contencioso

DATA DE SINATURA: HASH DO CERTIFICADO:
16/11/2023 DCAFO8587B6280B37A145073275F726E60DDB4CA
17/11/2023 0FD2C3776C7B204298B5CEE0D0905C386F2BBD1E

POSTO DE TRABAJO:
Secretaría
Alcalde

NOME:
PRADA QUEIJO, ROSA ANA
GARCIA PIÑEIRO, JOSE BLAS

Asinado Dixitalmente no Concello de Ames - <https://sede.concellodeames.gal> - Código Seguro de Verificación: 15220IDOCZAB1CF7951E63D34A8E

administrativo ante o Xulgado do Contencioso Administrativo de Santiago de Compostela, no prazo de dous meses desde o día seguinte ao de publicación da mesma no Taboleiro de Anuncios do Concello de Ames.

SEXTA. OBRIGAS E RESPONSABILIDADES

Os escaparates deberán estar expostos, como mínimo, entre os días 09 de decembro de 2023 e o 01 de xaneiro de 2024.

O solicitante deberá responsabilizarse do cumprimento das normas establecidas en canto á seguridade e medidas específicas sanitarias.

En todo caso, o Concello de Ames queda exonerado das responsabilidades derivadas dos danos materiais, físicos ou de calquera outra natureza que se poidan producir a terceiros con motivo dos traballos de instalación, montaxe e desmonte.

A inscrición no concurso implica a autorización a tomar fotografías e gravacións por medios audiovisuais, as cales poden ser difundidas en publicacións locais, rexionais ou nacionais. A participación no concurso supón a aceptación total destas bases.

O incumprimento dalgunha das bases levará implícita a descualificación no Concurso.

A participación no “XVIII Concurso de Escaparates do Concello de Ames Nadal 2023” implica a aceptación destas bases. A interpretación das bases correspóndelle a concellaría de promoción económica.

SÉTIMA. TRAMITACIÓN ANTICIPADA

Esta convocatoria acóllese ao procedemento de tramitación anticipada, de acordo co artigo 56 do Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeneral de Subvencións.

O importe estimado destinado aos premios previstos nesta convocatoria será de 4.000 euros

A concesión e pagamento queda supeditada a existencia de crédito adecuada e suficiente no exercicio 2024 na aplicación orzamentaria 4314.47902.

OITAVA. INSTRUCCIÓN DO PROCEDEMENTO

O procedemento de instrución e resolución levarase a cabo no Departamento de promoción económica nos termos que se regulan nos artigos 23 a 27 da Lei xeral de subvencións.

NOVENA. DESENVOLVEMENTO DOS PREMIOS.

Os escaparates deberán estar expostos, como mínimo, entre os días 09 de decembro de 2023 e o 01 de xaneiro de 2024. Aqueles escaparates que non se atopen montados no momento da visita dalgunha das persoas que forman parte do xurado quedarán excluídos do concurso.

Todos os concursantes terán que enviar unha foto do escaparate ao mail promocioneconomica@concellodeames.gal, antes do 18 de decembro de 2023.

DÉCIMA. COMPOSICIÓN DO XURADO:

O xurado estará composto por 4 membros:

Un/unha representante do voluntariado de Ames.

Un/unha representante do espazo de traballo colaborativo coworking “A Proa”

Un/unha representante do voluntariado de protección civil de Ames

Un representante da Unión de Consumidores de Galicia

O persoal pertencente á Concellaría de Promoción Económica actuará como secretario.

DÉCIMO PRIMEIRA. CRITERIOS DE VALORACIÓN

O xurado valorará os escaparates participantes pola súa capacidade de atracción e xeración do desexo de compra, en base aos criterios de composición e deseño, tendo en conta, ademais, a orixinalidade e a elaboración propia. Do mesmo xeito, valorarase a utilización de elementos propios do obxecto de venda da actividade e materiais de refugallo.

Deste xeito os escaparates serán valorados:

- 1- Desexo ou atracción de compra (5 puntos)
- 2 - Orixinalidade e composición (5 puntos)
- 3 - Emprego dos propios produtos do comercio ou tenda (5 puntos)
- 4 - Fomento de sustentabilidade (emprego dos produtos reciclados , etc ..) (5 puntos)

Os escaparates serán valorados por cada un dos membros do xurado cunha puntuación máxima de 20 puntos.

DECIMO SEGUNDA. FALLO DO XURADO

O fallo do xurado será inapelable e darase a coñecer durante o mes de xaneiro de 2024.

Os premios poderán ser declarados desertos no caso de que o xurado considere que os participantes non alcancen un mínimo de calidade ou de que a cantidade de participantes sexa insuficiente para o desenvolvemento do concurso.

Os premios serán compatibles con outros para a mesma finalidade

DECIMO TERCEIRA.- PREMIOS

O “XVIII Concurso de Escaparates do Concello de Ames Nadal 2023” está dotado coa cesión de espazos publicitarios gratuítos en Ames Radio durante un mes consecutivo, a determinar de acordo coas necesidades de programación da radio municipal, para os catro gañadores.

Ademais entregaranse os seguintes premios económicos aos titulares ou cotitulares inscritos:

- Primeiro/a clasificado/a: 1.500 €
- Segundo/a clasificado/a: 1.100 €
- Terceiro/a clasificado/a: 800 €
- Cuarto clasificado/a: 600€

Total: 4.000,00 euros

Os premios estarán suxeitos á retención fiscal que corresponda de conformidade coa lexislación vixente.

Estas bases publicaranse no Boletín Oficial da Provincia da Coruña, mediante o extracto remitido pola Base de Datos Nacional de Subvencións (BDNS) e na páxina web municipal do Concello de Ames.

Todas as publicacións posteriores á publicación destas bases faranse na páxina web municipal.

A resolución do procedemento publicarase no taboleiro de anuncios do concello de conformidade co establecido no art. 26 da Lei 38/2003 de 17 de novembro, Xeneral de Subvencións .

DÉCIMO CUARTA. Aceptación das bases e autorización en canto á protección de datos

A presentación de candidatura ao premio, implica a aceptación total destas bases.

Os/as participantes na convocatoria, ao presentaren directamente a súa candidatura ou ao aceptaren a presentación por parte de terceiros/as, autorizan expresamente ao Concello de Ames ao uso da imaxe e dos datos achegados para os efectos de publicidade deste premio.

De conformidade co Regulamento xeral de protección de datos 2016/679 do Parlamento Europeo, do 27 de abril de 2016, e da Lei orgánica 3/2018, do 5 de decembro, de protección de datos persoais e garantía dos dereitos dixitais, os datos persoais obtidos serán incorporados a un ficheiro responsabilidade do Concello de Ames cuxa finalidade é a xestión do presente premio. Poderanse exercer os dereitos de acceso, rectificación, limitación do tratamento ou calquera outro establecido na normativa vixente mediante un escrito dirixido ao Concello de Ames.

Para os efectos da salvagarda do dereito dos participantes na presente convocatoria á protección dos seus datos de carácter persoal, de conformidade coa regulación establecida polo Regulamento (UE) 2016/679 do Parlamento Europeo e do Consello sobre protección de datos de carácter persoal e pola Lei orgánica 3/2018, de 5 de decembro, de protección de datos persoais e garantía dos dereitos dixitais, faise constar que os datos das subvencións concedidas quedarán incorporados ao rexistros públicos de subvencións, nos seguintes termos:

En cumprimento do disposto no artigo 20.1 da Lei 38/2003, Xeral de Subvenciones e demais normativa de desenvolvemento, os datos da subvención concedida e a identificación dos beneficiarios/as serán remitidas á Intervención Xeral do Estado, para que sexan incorporados á Base de Datos Nacional de Subvencións, ca exclusiva finalidade prevista en dito precepto.

Así mesmo, en cumprimento do disposto no artigo 16.3 da Lei 9/2007, de 13 de xuño, de Subvencións de Galicia, o Concello remitiralle a mesma información á Consellería de Economía e Facenda, co fin de que a incorpore ao Rexistro público de axudas, subvencións e convenios da Comunidade Autónoma de Galicia.

DÉCIMO QUINTA. Pagamento e Reintegro dos Premios

Pago: Os premios serán obxecto de retención fiscal de acordo co estipulado na lexislación vixente. O pago realizarase, no prazo e forma previstos, mediante transferencia bancaria á conta que indicase o premiado unha vez que o xurado resolva a concesión.

Reintegro: Os premios serán reintegrados nos supostos previstos no artigo 37 da Lei 38/2003, do 17 de novembro, Xeral de Subvencións.

DÉCIMO SEXTA. Confidencialidade

Toda a documentación achegada polos participantes neste concurso será considerada confidencial polo persoal do concello e polos membros do Xurado que teñan acceso a aquelas durante o proceso de recepción, avaliación e selección de propostas.

DÉCIMO SÉTIMA. Órgano de control

Os beneficiarios/as dos premios concedidos polo Concello quedarán obrigadas a someterse aos procedementos de controis ou auditoría que realicen polos seus propios medios ou a través de empresas colaboradoras a Intervención municipal, o Consello de Contas de Galicia, o Tribunal de Contas e calquera outros órganos de control interno ou externo, nacional ou europeo.

DISPOSICIÓN FINAL

Para o non previsto nesta convocatoria serán de aplicación as normas incluídas nas Bases de execución do orzamento xeral do Concello, na Lei 38/2003, xeral de subvencións e no seu Regulamento e na Lei 9/2007 de subvencións de Galicia.

ANEXO I

SOLICITUDE DE PARTICIPACIÓN NO XVIII Concurso de Escaparates do Concello de Ames Nadal 2023

DATOS DO ESTABLECEMENTO

Nome Comercial

NIF;CIF

Actividade

Domicilio

Localidade

Teléfono..... Móbil..... E-mail.....

DATOS DA PERSOA TITULAR OU COTITULAR

Nome

DNI

Domicilio

Localidade

C.P Provincia

Teléfono..... Móbil..... E-mail.....

En relación á convocatoria do "XVIII CONCURSO DE ESCAPARATES CONCELLO DE AMES NADAL 2023" que se indica,

DECLARA DE XEITO RESPONSABLE:

1º. Que non se atopa incurso en ningunha causa de incompatibilidade ou prohibición para ser beneficiario de subvencións das Administracións Públicas, comprometéndose a manter esta situación ata a completa resolución do expediente.

2º. Que se atopa ao corrente no cumprimento das súas obrigas tributarias coa Administración do Estado, Comunidade Autónoma de Galicia e Concello de Ames e coa Seguridade Social, comprometéndose a manter esta situación ata a completa resolución do expediente.

3º. (sinalar o que proceda)

☐ Que autoriza ao concello de Ames a comprobar a veracidade da declaración de non ter débedas coa Seguridade Social, coa Axencia Estatal de Administración Tributaria

☐ Que non autoriza ao concello de Ames a comprobar a veracidade da declaración de non ter débedas coa Seguridade Social, coa Axencia Estatal de Administración Tributaria (no caso de que non autorice deberá

DATA DE SINATURA: HASH DO CERTIFICADO:
16/11/2023 DCAFO8587B6280B37A145073275F726E60DBD4CA
17/11/2023 0FD2C3776C7B204298B5CEE0D0905C386F2BBDE1

POSTO DE TRABAJO:
Secretaría
Alcalde

NOME:
PRADA QUEIJO, ROSA ANA
GARCIA PIÑERO, JOSE BLAS

Asinado Dixitalmente no Concello de Ames - https://sede.concellodeames.gal - Código Seguro de Verificación: 15220IDOC2AB1CF7951E63D34A8E

presentar certificados acreditativos de non ter débedas coa Seguridade Social, coa Axencia Estatal de Administración Tributaria) .

3º. Que se somete ás actuacións de comprobación e achega da documentación que o Concello de Ames poida acordar.

Ames, de de 2023

Sinatura do/a solicitante

E para que conste, para os efectos oportunos, expido a presente co visto e praxe do alcalde, en Ames, a 16.11.2023, e coa advertencia de que non foi aprobada aínda a acta da sesión correspondente.

Vº e praxe

O alcalde

José Blas García Piñeiro

A secretaria

Rosa Ana Prada Queipo

DATA DE SINATURA: HASH DO CERTIFICADO:
16/11/2023 DCAFO8587B6280B37A145073275F726E60DD84CA
17/11/2023 0FD2C3776C7B204298B5CEE0D0905C386F2BBD1

POSTO DE TRABALLO:
Secretaría
Alcalde

NOME:
PRADA QUEIPO, ROSA ANA
GARCIA PIÑEIRO, JOSE BLAS

Asinado Dixitalmente no Concello de Ames - <https://sede.concellodeames.gal> - Código Seguro de Verificación: 15220IDOCZAB1CF7951E63D34A8E